

dicatorum fratres renunciant in praesenti. Ut autem haec omnia et singula inviolabiliter et firmiter a partibus observentur, praesentem litteram in evidens testimonium scribi fecimus et sigillorum prioris et plebani praedictorum et nostrae civitatis appensionibus roborari. Datum in Pirna anno domini M<sup>o</sup>. CCC<sup>o</sup>. XVII<sup>o</sup>. III<sup>o</sup>. Kalendas Aprilis.

Nach dem Orig. im Rathsarchiv zu Pirna mit den Siegeln des Priors und des Plebans an Pergamentstreifen; das Stadtsiegel ist abhanden gekommen.

Horn's nützl. Samml. z. e. histor. Handbibl. S. 197.

### No. 197. 1396. 23. Mai.

*Schöffen und geschworne Rathmannen geloben dem Michel Abraham Bürger zu Bautzen, welcher eine Summe von 20 Schock böhm. Groschen eingezahlt hat, jährlich eine Tonne Häringe in das Predigerkloster einzuliefern, welches dafür die Begehung von Seelgedächtnissen übernommen hat.*

Wir schepfin vnd geschworn ratmanne der stat Pirne Pauwel Wenczlaw burgermeister, Nicolaus Jonspach, Ticzko Scholteis, Lange Hensel, Ticzko Melling, Hensel Geist, Heinrich Winduchs, Olbrecht Richart, Nickel Snorrenpfiel, Sygemund Rostuscher, Petir Pipernase vnd Dytrich Goltsmeit bekennen —, daz wir mit wolbedochtem mute, mit rate vnser eldesten vnd der ganczen gemeyne recht vnd redelich vorkouft habin dem erbern wiesen manne Michel Abraham burger zcu Budissen eyne tonne gutes Schonichses heringis, alz eyn bedirman den andern mete gewern mag mit gutem Schonichsen heringe, vm czwenzig schog bemichs geldes, der wir nuczlich bereit gancz vnd gar bezalt sint vnd gar merclich angewant sint der stat zcu vromen. Dy selbe tonne heringis globe wir vorgnantin ratmanne vnd alle vnser nochkomelinge geschworn ratmanne der stat Pirne eweclichen zcu leisten vnd zcu gebin von vnserm rathuse alle iar ierlichen vnd eweclich of vnser lieben vrauwen tag Lichtewy<sup>e</sup> in sulcher mose alz her noch geschrebin steit, wen denne der selbe Michel dy tonne heringis bescheiden vnd gegeben hat zcu eyne zelegerete gote zcu lobe vnd siener liebim muter Marian vnd alle sien liebim hielegin, siener zele zcu troste vnd siener eldern, von danne her komen ist, zcu zelikeit, daz wir se gebin sullen den erbern andachtegin brudern in vnser closter predeger orden, alzo daz dy vorgnanten bruder vnd hern dez selbin ordins zcu Pirne dem egnantin Michel vnd Kathrinen siener husfrauwen vnd sienem vater Lorenceze vnd siener muter Elizabecht vnd sieme eldir vater Mertin vnd siener elder muter Briden vnd sieme eldir vater Jokof vnd siener elder muter Agathen vnd sieme bruder Jordan vnd siener swester Kathrinen vnd alle sien brudern vnd gewisteredin dy dornoch komen vnd vor alle siene altvordern gedechtenisse thun sullen alle iar ierlichen vnd eweclichen zcu allen quatirtemper vier stund in dem iare an der metewochen mit der vilgen, am donrstage dornoch mit der zelemesse vnd liep czeichen of zcu legen vnd licht of zcu stegken, alz daz gewaynlich ist zcu begeyn. Vnd weres sache, daz dy egnantin bruder vnd hern eyn sulch gedechtenisse nicht hilden, alz vorbeschrebin vnd begriffen ist, der wir sy<sup>e</sup> kuntlich obirczugen machtin, so sulle wir in ouch dy tonne heringis nicht gebin noch begerunge vnd besaczvngze dez obgnantin Michels, sundir wir sullen se gebin in vnser spetal